



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Horologivm Sacerdotale Sacerdotibus tam Ecclesiasticis,  
quàm Religiosis, præsertim Neomystis Ordinem diei, &  
praxes indicans Opera quotidiana exactè, sanctéque  
obeundi**

**Dirckinck, Johann**

**Coloniæ, 1690**

IV. Monita de auditione Confessionum.

[urn:nbn:de:hbz:466:1-50863](https://nbn-resolving.org/urn:nbn:de:hbz:466:1-50863)

Oratio post distributionem.

**C**orpus Domini nostri Iesu Christi cu-  
stodiat animas vestras, ut non rever-  
tantur ad volutabrum luti, ad servitium  
Diaboli, ad pericula inferni; sed in om-  
ni sanctitate & iustitia eas perficiat & per-  
ducat *in vitam eternam*. Amen.

IV. Monita de auditione  
Confessionum.

Ante Confessiones.

I. Cogita, *Sacerdos*, quod sis *Judex*,  
*Medicus*, *Magister*, *Pastor*, *Pater*, *Fanitor*  
*caeli*, *Minister Christi*, *instrumentum*  
*Dei in animabus purgandis*, *illuminan-*  
*dis* & *perficiendis*. Hinc antequam exbo-  
mologeterium intres excita affectus pro-  
funde *humilitatis*, *diffidentia* tui, *fidu-*  
*cia in Deum* & *Christi merita*, *zeli ho-*  
*noris Dei* & *salutis animarum*, *gratiamq;*  
*divinam enixè flagita*.

Oratio I.

**O**Mnipotens sempiternae Deus, gratiã  
tuã efficace mihi assiste & protegeme,  
ut absque omni propriae salutis, puritatis  
& tranquillitatis amittendae periculo im-  
positum

positum Judicis munus perfectè exequar:  
ne mea negligentia aut culpa sanguinis  
Christi efficaciam impediatur, aut bonitatis  
divinæ influxum in Pœnitentes avertat.  
Per eundem Christum Dominum nostrum.  
Amen.

*Oratio II.*

Dignare, Domine Jesu, hanc animam  
sanguine tuo redemptam per Sacra-  
mentum pœnitentiæ sic purgare, illumi-  
nare & perficere, ut tibi perfectè place-  
at. Amen.

*I. Excita antè contritionem, ut red-  
daris instrumentum aptius, ad alios in  
sanguine Agni dealbandos.*

*III. Renova subinde vivam memoriam  
presentis supremi Judicis; in cuius conspe-  
ctu Judicis subordinati officio fungeris: &  
conjunctum ministerium perfectè explere  
confidera.*

Sub ipsa Confessione Pœnitentis.

*I. Pœnitentem quem vis intueri, velut  
Dei imaginem, aternæ gloriæ capacem,  
Christi Sanguine purpuratam; ac proinde  
magis aestima, benignè excipe, Deo recon-  
siliare & ad meliora promovere stude.*

*II. Be-*

II. *Benedicens attentè precare, ut ritè confiteatur, fructusque dignos pœnitentiæ faciat; milleſque Deum ampliùs amet & glorificet, quã ante oderit aut inhonorãvit.*

III. *In promptu habe motiva Contritionis, quæ opportunè proponas: 1. Peccatum lethale est infinita quadam injuria contra infinitam Majestatem Dei: 2. Est summa ingratitude contra summum Benefactorè. 3. Est gravissima contumeliã pretioso Sanguini Christi pro te effuso illata. 4. Est jactura æternæ felicitatis, animæ, cœli, Dei. 5. Est turpissima macula & fœditas animæ, quæ diabolo similem reddet; horroremque causat in hora mortis. 6. Hæc culpâ peccator meretur ut in ipso flagranti crimine, cum fulmine & tonitru, instar Luciferi precipitetur in infernum. 7. Reum facit peccatorem carceris infernalis, caliginis terribilis, sitis & famis incredibilis, ignis inextinguibilis, vermis conscientia immortalis, fœtoris intolerabilis, desperationis ineffabilis; & denique totius æternitatis infelicitis & interminabilis.*

IV. *Elice contritionem, præsertim cum pueris & rudibus, querendo, utrum non*

dolent

doleant ex intimo corde, quod Deum tam bonum, infinite amabilem offenderint, qui nos creavit, redemit, in sanguine suo lavavit, conservavit, & gloriâ aternâ coronare paratus est. An non seriò velint omnia & singula peccata emendare & millies mortem oppetere potiùs, quàm Deum deo offendere.

V. Sub absolutione magno affectu charitatis, zeli, fiducia, commiserationis, à Deo veniam, misericordiam, gratiam pete: & ut defectus pœnitentium per merita Christi, B. V. & SS. suppleantur. Abeunti benè precare: vade in pace & amplius noli peccare.

VI. Brevem interrogandi methodum promptu habe; uti & exempla contra regulas peccatorum species, loca scripturae, vita sanctorum, remedia salutaria peccatorum, qua opportunè pœnitenti proponas.

VII. Erga feminas pœnitentes, paternum potiùs & spiritualem gravitatem præfer, quàm familiaritatem: de rebus ad confessionem non spectantibus, non loquere. Rebruius confitentes breviter expedi, ocu-

T

los

los custodi, mutuum aspectum fuge, ut  
liberius confiteantur.

VIII. Ob stupiditatem vel importu-  
nitatem pœnitentium, nullum radii aut  
impatientie signum ostende, & gestibus  
manuum abstine.

IX. Tentatis, maximâ quâ potes cha-  
ritate opem fer; scrupulosos instrue, in  
proximâ peccandi occasione constitutis  
prudentialia monita & media præscribe. Re-  
stitutionem, si fieri potest urge. Verecun-  
das, præsertim sequioris sexûs, personas  
magnâ dexteritate adjuva, inchoando à  
levioribus, cogitationibus, verbis &c.

X. In pœnitentiis injungendis noli esse  
vel nimis laxus vel nimis rigidus, ne aut  
peccata gravia vilipendant, aut à Sacra-  
menti absterreantur. Sequi licet Caje-  
tani consilium V. Satisfactio: pœnitenti  
benè preparato & robusti animi, satisfac-  
tio, quam meretur imponenda est: debi-  
liter autem dispositus danda est satisfactio  
parvula, juxta debilitatem animi sui, ut  
parvitas ignis fundetur appositâ paleâ, ne  
suffocetur appositis lignis magnis desuper.  
Arripere etiam quandoque licebit docu-  
mentis

penitentium Gersonis p. 2. ope. in regul. moral.  
 melius est cum parva pœnitentia, que  
 sponte suscipitur, & verisimiliter adim-  
 netur, ducere confessos ad purgatorium;  
 quam cum magna non implenda, præci-  
 piere in infernum.

Post Confessiones auditas.

1. Examine, & de admissis defecti-  
 bus tuis dole. 2. Pro collata pœnitentibus  
 gratia, gratias age & nova gratie auxilia  
 postce per merita Christi, B. V. SS.  
 Angelorum Custodum. 3. Humilitatem  
 terce memor sententia S. Augustini: non  
 peccatum quod fecerit homo, quod non  
 crederet alter homo, nisi preservaretur ab  
 eo, a quo factus est homo. 4. Conare om-  
 nium auditorum oblivisci. 5. Secretum  
 maxime serva, nec in genere quidem  
 auditis in confessione loquere nisi sum-  
 mæ cum circumspectione.

De Administratione extremæ  
 Unctionis.

1. Rogari subinde potest infirmus, num  
 quod gravet adhuc conscientiam, &  
 quo non ausit subire vultum iudicis,  
 T 2 viam-